

dum, epilepsia obnoxium, affine cervo, cuius nervi, cornua & unguæ magnum habent usum in curandâ epilepsia hominis, capta à principe, vel nobili Borussiæ hoc vel illo in loco &c.

5 *Individuum accidentale definitur appositione generis, cause efficientis, finis, priorum, & effectorum.*

Ut, nativitas Christi est generatio hominis extraordina-
ria, quâ secunda deitatis persona assumpsit naturam huma-
nam, ad officium propheticum, sacerdotale & regium. Eo-
dem modo fortitudo Alexandri Magni, prudentia Themis-
toclis, justitia Aristidis, & cætera accidentia singularia defi-
niri possunt.

Cap. 10. Definitio imperfecta ex parte rei.

Sequitur ultimo loco definitio imperfecta ex parte rei, quæ talis est ob definiti imperfec-
tionem.

Estq; rei universalis admodum, partis, entis col-
lectivi, accidentis, cōcreti, imaginis & privationis.

Res admodum universalis, uti sunt genera illa
summa, definiuntur vel sine genere, vel loco gene-
ris perfecti habent imperfectum & accidentale,
undecunque differentia sumatur:

Ut, ens est quod essentiam habet; vel ens est, quod ab in-
tellectu concipitur tanquam notissimum; substantia est ens
per se subsistens. Hæc definitio imperfecta est; quia nō ens est
genus summum & substantia imperfectum, quod libr. 2. di-
ximus analogicum.

Partem definiendi modus his continetur cano-
nibus:

1 *Pars essentialis definitur ex respectu, quem habet
vel ad totum compositum, vel ad alteram partem.*

Hoc modo definimus materiam & formam. v. g. anima
rationalis